

陳文正公文集

重刻陳文正公先生文集

序

先生中興之首勲也先生
之相業行實繫籍聖賢其
後必傳諸史冊泐諸金石

昭然可紀故凡性情道德
學問文章發之於紀綱政
事顯之於號令聲名顯印
問望金錫圭璧爽在不見
爲可法而可傳者也況其

有關於廟謨有裨於生民
有傳於後世此天地之正
氣川嶽之鍾靈蓋不啻
之英傑誠哉一代之偉人
也故先生之在朝歷事二

帝前後廿餘載功業詞章
巍然煥然設使天假以年
則宋室之土宇可全復而
不徒江南之半壁矣熹從
事二紀獲庇同朝先生之

之相業行實皆熹之習見
習聞親炙而佩服之者也
惜泰山旣頽梁木旣壞遺
言頽盡幸賴有賢嗣偉節
伯仲諸人克繼先業顯名

于朝又熹之金蘭筆研同
事者一日以先生之文集
丐余爲序熹雖不敏亦不
敢辭于是澣手焚香端坐
肅觀越月餘而始畢亦不

敢贊一詞但因所請以次第其篇凡三十卷而弁諸首云

皆

乾道七年新安門人朱熹

頓首拜書于碧落洞天

陳文正公文集目次

卷之一

奏疏畧

奏疏畧一

奏疏畧二

奏疏畧三

奏疏畧四

奏疏畧五

奏疏畧六

奏疏畧七

奏疏畧八

奏疏畧九

奏疏畧十

表

紹興辛巳御平臺召對御筆金書盡忠二大字內則詩四
章臣康伯謝表

謝皇上勅命修編家譜表

謝聖恩頒賜綵色蟒緞十表裏白銀五十錠表

謝賜曆日表

卷之二

詔

紹興辛巳親征草詔

又

詩

襲封衍聖公誥

誌

族譜誌

祭文

祭祖祝文

祭后土祝文

祭祖祝文

祭后土祝文

詩

賜老歸田詩

題急峯詩

詩餘

阮郎歸 暮春過嚴陵釣磯有感

卷之三

御札

高宗御札 五十六条

孝宗御札

御旨

孝宗勅賜對聯

孝宗勅賜御書旌忠顯德之碑

卷之四

劄

尚書吏部擬授迎功郎劄

尚書吏部擬轉承奉郎劄

勅轉奉議郎劄

勅轉太常博士劄

勅左朝奉郎尚書屯田員外郎劄

勅授戶部司勳員外郎劄

勅提督糧儲劄

擬轉左朝散郎劄

勅左朝奉大夫軍器監劄

勅召起相劄

葛丞相劄

勅修理祠墓劄

卷之五

詰

勅特授左光祿大夫詰

贈鎮國夫人何氏詰

勅授左金紫光祿大夫詰

擢任制詰

勅兼樞密使進封信國公詰

勅改謚文正詰

御賜陳氏家譜詰

勅諭

勅陳安節詰

外集

卷之六

鑑史諸書

史

夏寅政鑑

達賢錄

揮塵錄

性理

朱子大全

人鑑編

名臣言行錄

白眉故事

古今人物論

卷之七

誌

鄆誌

弋陽縣誌

鉛山縣誌

東文正公文集

目錄

四

卷之八

贊

小像贊

虞允文

小像贊

梁克家

文正公贊

朱熹

小像贊

華陽伯

切臣詩贊

宋濂

跋

讀親征詔序

何澹

又

辛棄疾

又

謝深甫

又

陳記

又

葉適

又

張岩

文正公遺像制誥墓文後

沈琮

陳氏家譜跋

陳一勤

卷之九

書

陳丞相辭免除著作左郎書

王十朋

上陳丞相書

王十朋

陳丞相辭免除乞外任書

王十朋

上魯國公書

朱熹

又書畧

朱熹

啓

上福國公啓

王十朋

又

又

上魯國公啓

朱熹

卷之十

譜序

詔序序

李以初

御賜金線譜命汪藻直學士叙

族譜序

張浚

又

虞允文

又

謝深甫

又

何澹

又

陳埏

又

李奎

譜後序

李東

卷之十一

祭文

祭魯國公

又

祭

又

王十朋

又

邵三泉

陳謝二公祠堂祝

韓陽

文正公議

李

鏡

族譜記

又

辛次膺

陳文正公文集

目錄

六

陳謝二公祠堂記

頌

弋外翰李中令祠頌

弋通庠令祠頌

詩

詔草詩二首

王十朋

題崇德閣二十四功臣詩

朱濂

又題中興五臣詩

題文正公詩

韓雍

至弋夜袁文正公詩

孫燧

題魯公絕句

全統

題陳謝二公五言古風

高明

讀文集七言律

世孫縉

後集

卷之十三

跋

讀親征詔草跋

世孫景參

又

世孫景思 族譜序

世孫裴

族譜序

世孫季廉

遺囑

世孫敏中 跋

世孫待言

陳文正公文集

世孫

以範編次

士選參訂

奏疏畧一

詳見宋本傳聖政錄傳紀諸書今其畧云陳康伯居司勳郎官時上疏力陳變化之說欲以救時病強國勢又云欲求施節之臣于倉卒之時不若進剛直之士於閒暇之日去歲兩淮望風奔潰曾無一城能拒守者此秦檜壅塞言路摧折士氣之餘毒也能反其道則士氣日振而見危授命者有人矣

奏疏畧二

金亮將渝盟人情徧恐廷臣爭進退避之計康伯獨奮然請討
曰今日之事有進無退進爲上策退爲無策若誤聽此屬之言
臣恐士氣衰竭人心沮喪大事去矣有如六師未卽遽行且以
建王爲元帥先往撫師其亦可也上然之未及發而亮已被屠
中原遺民日望王師之至康伯上奏乘此機會決策親征連圖
進取上旣至建康又言金陵自古英雄以爲帝王之宅矧今北
土之人謳歌未改旣聞大駕臨江此必延頸舉踵以望振拔宜
逆駐驛以係其心上已開納會有密啓東還者事下侍從台諫

集議以聞康伯曰今欲控帶襄漢接引湖廣則臨安不如建康
之便經理淮甸應接梁宋則臨安不如建康之近議者徒以一
時危從之人內顧思歸故爲是說以悅其意豈爲國家計哉過
聽其言臣恐回銓之後兩師之聲援不接北士之謳吟絕望非
細事也然是時上下人懷家室之安士無天下之志欲歸者衆
一暴十寒莫與宸聽康伯雖有纓纓之忠竟不獲嬰敬一言之
用使當日主上慨漢高之聽遂都金陵則中原之復可計日而
待也寧僅偏安而已哉嗟乎世運之隆污雖曰天命抑亦人事
然也千秋萬歲後有識者不能不三嘆于斯云

奏疏畧三

紹興九年康伯上言義倉之法惟克賑恤不許他用諸路州縣歲收苗米六百餘萬石其合收義倉米斛數目不少年來雖間有災傷水旱去處交給不多訪問諸路州縣軍往也將邇年所收米數更不依條送項橋管皆是擅行侵用從來未曾請察乞下諸路州縣主管常平官取索五年的實收支數目仍開說逐年有無災傷水旱檢舉稽察施行上曰義倉所以脩水旱凶荒比年州縣或侵支盜用或賑濟無術僻遠之民窮困而不得被其惠可令措置

奏疏畧四

十六年上曰監司郡守須修舉職事若不恤民不奉行法令郡
守令監司按劾監司令御史臺諫按劾然後上下有綱紀康伯
上言陛下承祖宗付託之重正宜使上下內外共爲一心以扶
持而全安之奈何命之出於上者下不得以矯其非政之行於
下者上無以稽其失所謂命出於上而下不能矯其非者蓋人
君之行事豈非一一其盡善盡美也哉今陛下必欲杜私謁而
存公道舉朝廷之紀綱度法以與臣子共守之誠國家之福也

奏疏畧五

二十年詔籍鄉社兵續城乃請籍民爲義勇其法取於人戶雙丁十戶爲一甲五甲爲一團擇一邑之豪爲總首歲於農隙教閱官給其糧後籍至七八千人康伯上言自軍興以來東南州縣糾率鄉兵捍禦盜賊官司無一毫之費若非激賞無以勸功欲將應鄉社守隘防托去處每鄉守領限以名數從州縣出給文憑與免身假勞勞之人次第保申朝廷量加爵賞

奏疏畧六

二十六年太史奏藝出井宿間令行寬恤事務上曰君臣之間宜更相告戒共修政事以合天戒臣康伯奏中無使女寵潛官關

則天意順無使戚里干朝政則天意順無使小人間君子則天
意順無使虜狄侵中原則天意順若夫不御正殿減膳徹樂此
特應天 之末耳

奏疏畧七

三十一年宰執陳康伯疏中有云自今虜將帥皆望風奔潰未
敢有抗之者建炎三年十二月兀朮自杭州分兵至明州城下
浙東制置使張俊之拒捷四年小兀朮還遇吳江浙西安撫司
統制陳思恭以舟師敗之於太湖幾獲兀朮紹興元年兀朮攻
和尚原吳玠破之四年撤離喝犯殺金平吳玠又敗之韓世忠

敗兀朮游騎於大義鎮六年楊沂中敗偽齊劉猗于藕塘劉錡
大敗兀朮於順昌十一年劉錡大敗兀朮十萬於柘皋三十一
年劉錡遣將敗高景山於皂角林李寶敗鄭家奴於密州之塘
邵宏淵拒虜于真州之胥浦橋獲提十一月敗金亮于采石是
歲馬司中軍統制趙樽復蔡鄂州都統制吳拱州拒虜于茨湖
統制王宣拒虜于碓山鎮口都統制張于蓋圖海州此皆渡江
以來中國勝抗之可稱者也

奏疏畧八

疏中有云強戎侵侮強戎操捍翕忽凌之如履平地深之如入

無人之境皆擬其一今又奪國之三矣想夫蛇蹠承跡旁干國
河狼蕩羊鼎熏蒸樓櫓戎旗曳背城之烟胡馬飲息江之月
啼腥血錦里飄紅鬼哭愁音眉峯斂翠懸塵拂面棘露沾衣
望梓顏國顧潯滄噫夫何使昆蜺獸形之小醜僥倖如是之甚
抑

奏疏畧九

疏曰我國家災圖再造孽氣未靖兀酋之始渝盟也順昌之役
則我非武而彼尋邑矣虜亮之再渝盟也采石之役則我江右
而彼秦符矣吾國之君臣上下不曰無恃其不來恃吾有以待

之則曰今日之事有進攻無退守也臨江試士舟運如飛用能
禡逆酋之魄而破虜亮之膽豈非吾氣凜然有以致之耶

奏疏畧十

疏曰曩者丁未陽復六花呈瑞百辟稱慶豐穰有期三十餘年
民苦歉告胡爲瑞于雪而不瑞于歲邪敢端拜而言陰陽凝而
爲雪天之瑞也抑陰助陽以爲心君之所以符此瑞也君子爲
陽小人爲陰進君子退小人則和正之陰陽定中國爲陽虜狄
爲陰強中國弱虜狄則夷夏之陰陽定德澤爲陽刑罰爲陰暢
德澤省刑罰則政治之陰陽定我之陰陽既定則天之陰陽亦

莫不定不然則邪干正夷誅夏刑勝德陰邪用事陽明退令器
膏露于天醴泉於地不可以瑞言也而雪乎哉又況冰山雖重
而毒丸泉下者猶抱未雪之冤痛霜刀既接而陷身胡沙者固
多留雪之妻涼龍翔興復千室露處獨不念其風雪之颺悵乎
鴈影流離萬閤失庇獨不念其雨雪之凍裂乎常陰爲沴殷雷
比屋憂未歇也昔人有言長安貧者爲瑞不宜多毋謂某年之
瑞雪可喜當思幾年之瑞雪爲驗

紹興辛巳上御平糶召對御筆金書盡忠二大字內則詩
四章康伯謝表

紹興三十一年二月戊申早朝罷召令諭立陳康伯王殿左平
臺上賜露華酒一瓶燒剉一分點心二樣各撥下飯一臣奉頌
叩頭拜賜訖上諭曰此時百姓無科斂之擾繁臣康伯對曰陛下
下恩澤已覃被四方但流徙尚未歸瘡痍尚未復遠近猶有艱
食之人須臾二三年休息庶幾人皆得所肯然遣文書易官榜
鸞箋御筆金書蓋忠二大字內則詩四章手賜康伯臣拜跪謹
叩頭頓受俯伏叩謝臣見今六十三歲歷事列聖三十六年
侍經惟一十五年絲毫無補坐縻廩祿臣雖至愚寧不知愧伏
蒙賜晏分當死報遂蒙賜字賜詩面諭加寵加隆百拜而受

父之恩奕世以爲子孫之寶伏願賜祉同天莫皇與於有筆
厚配地流聖澤於無疆臣不勝歡欣無任瞻戴感謝之至

皇上勅命修編家譜表

臣陳康伯叩頭拜謝曰竊念康伯自弱冠以來至於今日明蒙
累朝列聖作養拔擢之恩簡任領托之命天高地厚不可以名
言也蓋當委質鞠躬少國載稱而才疎識淺莫效涓埃我皇上
遣侍慰諭寵以聖書錫以金幣寔倍常倫昨進家譜勅令史院
修編填諱奎章眷藻隆自重霄非惟欣德千餘生抑且叩恩於
身後誠百年之盛典正今古而不再也伏願聖躬保重聖壽隆

長德政日新邦豕鞏固臣等不勝欣躍無任感戴叩謝之至

聖恩頒賜絳色蟒緞十表裏白銀五十錠謝表

臣康伯謹奏爲謝恩事茲者恭遇太高殿九廟等安額欽蒙遣臣祭告禮成伏蒙聖恩頒賜絳色蟒緞十表裏白銀五十錠臣謹稽首頓首祇領伏以紫殿依山崇享帝之閔宇黃金揭榜脩告神之令儀懼祇役以多愆荷推恩而旣渥煌煌文綺恭擎天府之頒炳炳溫綸敬戴主恩之重忱殫華祝効日瞻於堯民壽比嵩高歌天保於周雅臣無任感謝之至

謝賜曆日表

伏以夏時二之日振古如茲周曆萬斯年自今伊始凡蒙敬授
悉賴裁成恭惟皇帝陛下得聖之傳爲天命受三朝之圖籍罔
不朝宗在七政之機衡皆如軌度廼領新政爰布曆書臣濫職
將明當考協不違咫尺旣同拜賜之榮敢離頃臆而怠觀風之
事除臣列名例謝外臣首被天恩無任瞻望兢惶俯伏之至

陳文正公文集卷之二

紹興辛巳親征詔草

喬孫

思旺 補綴重修

朕履運中微遭家多難八陵廢祀可勝坏土之悲二帝蒙塵莫
贖終天之痛皇族尙淪於沙漠神京猶裂于版圖嗟恨何窮待
時而動未免屈身而事小庶幾繼好以弭兵屬戎虜之無厭豐
信盟之不顧怙其暴奪之惡濟以貪殘之克流毒編於華夷順
民幾於草芥赤地千里謂暴虐爲無傷蒼天九重以高明爲可
侮輒因賀使公肆嫚言指求將相之臣坐索漢淮之壤吹竽可
犬謂秦無人朕姑務于含容彼尙飾其姦詐嘯厥醜類驅吾下

良妖氛寢結于中原烽火遂交於近甸皆朕威不足以震疊德
不足以綏懷負爾萬方於今三紀撫心自悼流涕無從方將
縞素以啓行率貔貅而薄伐取細柳營軍之制考澶淵却
規詔肯一頻懣聲四起歲星臨於吳分冀成澠水之勲關士
於晉師當決韓原之勝尚賴服膺爪牙之士文武大小之臣
力一心捐軀報國共雪侵凌之耻各堅恢復之圖朕以正日
十五日親臨軍前撫勞士卒播告中外咸使聞知高宗手敕
先文奏來此詔一出功並補天

紹興祝師諸草

朕愴膺祖訓祇適皇圖永惟國步之艱越在海隅之阻間者亟
馳於使驛庶幾少戢干兵鋒而邊侯屢驚敵情未革旣挫蕩十
秦隴復窺伺於荆襄念億萬姓之黎民久遭殘虐慨二百年之
陵寢莫獲薦陳爰奮勵於諸軍以肅清於舊壤靡待萌牙之
脩將臨細柳以勞師副上皇與子之心攬列聖在天之憤肆
竄筮躬御戎軍眷言駐蹕之初申飭攸司之衆各揚乃職明
朕旼征役以煩民毋誅求以剥下守成嘉績迄底不平咨爾
外戚體至懷故茲詔示想宜知悉

紹興壬子奉送徵考太行文

臣等猥以凡庸誤蒙選擇茂休豐草被雨露於當年紀遠
犯風霜於將免節上之旄盡落口中之舌能存歎馬角之未生
魂消雲窖攀龍髯而莫逮淚洒冰天

襲封衍聖公誥

紹興二十四年二月十一日准宣撫使司牒差使臣章復齋擎
到行在入內內侍省御前金字牌遞送到告一軸五十代孔
授承奉郎襲封衍聖公專主奉先祠事卿陳康伯撰誥來有誥
曰仲尼之道垂休萬世自生民以來未有盛于此者襲封奉祀
宜及後是以爾厚重深醇選共乃事是遵典常命以京秩升以

公主非特爲爾身榮實所以尊先聖也往其懋哉臣以匪材謫叨寵渥不敢違刻卽具劄草投進貽黃伏乞聖慈特賜聽候情
揮謹劄奉呈

族譜誌

吾先公忠肅公惓惓以追遠報本以葺譜爲事叅互考訂求之
有年未克成編一旦側世命康伯寶藏家廟至此四十年家族
彌昌子孫寢蕃第恐異日支流綿遠或有視骨肉如塗人者勉
承先志請朝賜詔又命史臣續所未續得脩述詳書以酬先公
之志於地下至于立身揚名增光前烈尙該族之才俊者世孫

康伯頓首謹誌

祝文

大宋紹興三十年歲次庚辰八月丙午朔越二十七日壬申上
柱國吏部尚書觀文殿大學士授金紫光祿大夫右僕射同中
書門下平章事兼樞密使知制誥國史院進封開國信國公玄
孫康伯謹以牲酒之奠致祭於懷玉山隱漿社里第九世上祖
六一居士府君同妣楊氏靈墓前而言曰人本乎祖百世匪遙
精神旁通體魄如在遠孫席庇展省還鄉萬水一春萬水一清
豈本濬源用永有譽惟我上祖寔克相之

祭后土文

第九世上祖同妣墓后土氏之神自睽來信上祖卜遷安寧茲
阡今三百年高山峻嶽其上隆然神相我後慶流如川

祭祖祝文

孝玄孫康伯謹以牲養敬奠敢昭告於密山社里陳氏始遷第
一世

上祖謚明道行一公贈太師追封英國公府君妣黃氏夫人
高祖謚學正行一公贈太保追封鎮國公府君妣何氏夫人
曾祖謚惠和行三公贈太師追封楚國公府君妣鄭氏夫人

祖謚孝靖行廿九公贈太師追封越國公府君妣徐氏夫人
考浙江轉運副使謚忠肅行五十公贈太師追封秦國公府君
妣鄭氏夫人繼妣李氏夫人神墓前而言曰禮去鄉國省墓而
行重遠也我公遷於壽山勳踰百年井邑旣殊歲月亦久踈
逃松楸事勢使然餘慶所覃靡問彼此康伯自竊科第登進公
朝脩列法從推厥本源敢昧所自謁告來歸展省墓下追懷雨
露怵惕深增惟我公祖流慶後昆願自今始無曠爰禮尙饗

祭后土文

公祖墓后土氏之神我公遷於壽山遠歲歲子孫展禮室觀

以固祖考來歆神亦惠顧清靈鐘奇賜我春旂我亦既悻百世
無歎

賜老歸田邑人陳康伯書弋陽館

憶昨東京拜相時武夫前導爭驅馳上奉天子一人命下率百
寮羅網維泰階賜膳侑金奩上食供進黃門賁夜來胡塵犯邊
土手渥億萬兵擒虜揮揚殺氣橫九秋指揮猛將皆貔虎入荒
掃蕩沙漠空旋師奏凱明皇宮英雄富貴皆長事辭榮解綬歸
與澗白石如玉泉如酥河清海晏樂耕鋤雞鳴麥秀花卉敷親
朋會合情歡娛有子可教孫可訓有書可讀田可租常願年豐

五穀登斯民安堵心則愉

題龜峯

形勢如龜稟賦奇昂頭曳尾向溪湄石色蒸霞紅甲潤苔痕濕
雨綠毛垂恍如獻瑞在官日猶似呈書出洛時千秋屹立層霄
表壽比喬松可等期

院郎歸

暮春過嚴陵釣磯有感

閑來溪上有雲飛溪光接翠微江南三月落花時春波去擢遲
一尋竹路破林扉蒼苔舊釣磯欲歸回首未成歸黃塵消素衣

陳文正公文集卷之三

事實

御札

以後御札並帝手書

高宗御札紹興二十九年九月六日命下文書房官李寶齋捧御札到省召諭特進尚書僕射同中書門下平章事兼樞密院使陳康伯帝諭朕以庸德仰承上天大命咎多在躬自日至夜勉副惟欲至治河賴大臣輔佐朕于幾暇偶爲麟鳳二書忠孝勤儉四字以賜卿可用必供職匡朕不及有疾宜調治愈日赴行在視事當體至意

帝手書

右一

李珂乞都督府差遣可與尋一見闕差往

右二

袁孚令門下引見上殿

右三

朕仰稽祖宗故事開講日可召輔臣觀講

右四

早來所論欲遣使往江淮關外之事旣以付之張浚恐徒成沮撓別有異端蜀道一節更須商議

出戰三司諸軍可令主帥勒元統兵官先具姓名自立功
五日中樞密院候宣撫司保明到府度推賞

右六

聞應出戎官兵先因借請錢糧或筆曆令券內外糧審院得
以驅磨欠剩爲名動涉數月不放勘請戶部總領官坐視不
致令官兵往往失所應今後官兵因差出口歸並仰戶部并
領司先次按月行放錢糧應有驅磨欠一面據主兵官并帶
官依條除寇敢有更似已前沮滯其內外糧審院官使重行

點可令出榜曉示其劄付在外諸處可進入令金字牌發

右七

稽陸游力學有聞樞臣同薦比令召對果見剴切詳明宜有嘉用勸來者可並賜進士出身

右八

湯思退令召赴行在疾速前來

右九

淮東總領所寄收向子固回納到錢十萬貫內支錢五萬貫與向子固措置馬監使用

右十

張說充奉使不受金 辭免兩人自身恩澤理宜旌賞可特與
落階官

右十一

郭振時暫往張俊處議事

右十二

袁造顯仁皇后神御自去年十二月至今年二月並不起造作
之工匠不合支給食錢等可令大理寺追赴左藏庫送納

右十三

吏部看詳到應詔事件其發出者可逐項錄出將上

右十四

比屢降詔明信賞罰以勸將士今來都督府雖委任宿將必能
體國無復冒濫書填官告之類更宜覈實勿市私恩兼聞虜兵
退諸將已未會合尙復何待可具奏來仰以此旨分明創下
榜存中

右十五

興軍節所更不差內侍差邊臣仍改作提點卿等可選三五
來邊臣御帶中有堪任使者尤可

右十六

令詔令召赴行在

右十七

并昨日李顯忠奏提同令出榜通衢

右十八

王宣解發到殺降女真令日下遣歸軍中自効

右十九

知閣門事張說差與樞密副都承旨

右二十

王時升除權戶部侍郎陳輝差權知臨安府並日下供職

右二十一

胡昉可差浙西捕盜賊先赴都堂稟議疾速前去

右二十二

向昌務差義軍所提點官梁俊彥更不兼權

右二十三

李實可移明州駐劄與趙子涌同措置海賊馮湛湏迴避却別
與差遣此事如可行卿便作施行

右二十四

閩安中與除監察御史芮莘差提舉廣南東路常平茶鹽事
替石敦義成資闕張震差知夔州合疾速之任

右二十五

辛次膺可除資政殿學士在外官祠任便居住

右二十六

汪徹又有章疏須當示之責降隨在聞有百餘隻船雖比之張
俊事不同後張俊湏當亦有責命朕少間批出汪澈指揮可令
便行

右二十七

丁晏明經由國門令內殿奏事畢定任

右二十八

胡沂除殿中侍御史日下供職

右二十九

召虞允文來奏事限十日至行在

右三十

忠勇軍令初四日起發

護聖馬步更不起發

右三十一

王之望本以押賜犒賞諸行今已久未見申到犒賞次第兼聞
虜兵漸退諸將未卽會合尙復何待可以此旨分明劄下王之
望疾速具奏並作

金字牌發

右三十二

馬騏與除起居舍人日下供職

右三十三

劉寶可與招撫使

右三十四

百司併省事竝類聚將上取旨

石三十五

事急卿來處分臨紙涕泣

卿具奏皆敦切剴正是勸戒之義有疾遣御醫院診視調護可
勉起視事以副衆望

朕視所奏力勸費事允當多被姦人賣弄所致依卿處分収卹
如舊舊官之建朕仰荅太靈府安羣望定名德壽恥德同地厚
壽與天齊之義

兵退卿力所致神人慶洽中外歡騰自奉生命勅令加食邑七
千九百戶行舟次騎步序圖可命工繪寫成帙進來

虞允文奏來此詔一出工竝補天

辛次膺除御史中丞日下供職

周葵除叅知政事日下供職

汪澈告內因何却帶宮觀令契勘奏事

花榆向指揮來日將上

梁珂轉官事可止與轉一官

王十朋乞待罪章疏令日下報行頒使中外知之

御札

朕惟國有賢輔治化攸資人惟求舊哲王所尚卿老成舊臣贊

理政務有年忠勤資望茂著簡在朕心特茲起用董正百官撫
綏萬民以左右我國家卿工牌刻就道赴任以副朕眷倚至意
毋得稽遲勒差兵部卽司勳郎官歐陽濟卿賞札勒令四方出
勝通衢逐秦檜黨人仍禁輟至行在卿舊臣直司綸綽贊化勞
心宜恩蔭子孫酌勞改蔭恩澤六品准御前金字牒降到吏部
堂照會

其示卿可撰金字經序文一篇新建壽元忠國佑民碑文一篇
進來見朕敬天法祖愛民重穡憂勤惕厲之意

卿元臣本當辦內凡事皆忠懇今出外後安切望佐輔

吳王彥趙揮王宣常切整齟軍馬先張聲勢俟張俊
報會令卽便起發仍劄下兩處總領司預先准脩令用錢糧
無致闕誤其劄子便繳進入令金字牌發

卿可與吳璘說

中州故地一陷異域踰三十年而猾虜無厭復出爲惡朕令先
臣三道進討以卿勳畧鎮撫西邊繕甲治兵知方有勇將士心
皆欲有所出久矣功名之志深所未忘茲令卿等復爲東招討
使制書到日卿可卽提士卒直出漢中弔秦晉民撫漢廣士都
會所征去處卿若到來戒甬軍士毋踐禾稼毋掠士女毋焚宮

帝使之簞食壹漿以迎王師副朕弔民伐罰之意昔漢光武遣
馮異征關東戒之曰今之征伐不可畧地屠城要在平定安集
之耳朕於光武遠有慚德然卿才之烈比於馮異又何歉焉興
言及此我憂矚至然臨事好謀卿當重慎見可而進信賞必罰
足結士伍是皆所期于卿也至于飲爵策勲朕無所吝乃眷西
顧卿其圖之

上御平臺有對手筆金書忠藎二大字內則詩四章

皇宋紹興三十一年二月戊申早朝罷召令諭宣陳康伯至殿
上平臺上賜露華酒一瓶燒剗一分點心二樣各樣攢下飲一

臣奉領叩頭拜賜訖上諭曰比時百姓無科歛之擾繁臣康伯
對曰陛下恩澤覃被四方但流徙尚未歸瘡痍尚未復遠近猶
有艱食之人頃更二三年休息庶幾人皆得所肯然遣文書勞
臣捧薦戕金書蓋忠二大字內則詩四章手賜康伯臣拜跪譚
叩頭領受俯伏叩謝臣見今六十二歲歷事列聖三十九年
尚經帷一十五年絲毫無補坐糜廩祿臣雖至愚寧不知愧伏
蒙賜宴分當死報隨蒙賜字賜詩面諭加寵加隆百拜而受君
父之恩奕世以爲子孫之寶伏願福祉同天萬皇與千有鞏
厚配地流聖澤于無疆臣不勝懼忭無任瞻感感謝之至

上御心壽殿草賜歸田詩章

孝宗御札

隆興二年冬十一月戊戌吉辰寅刻勅差起居舍人章榘賁勅
旨召人保觀文殿太學士特進封福國公判信州陳康伯爲尙
書左僕射同中書門下平章事兼樞密院使進魯國公詔曰朕
雖古有天下者無遺壽考必簡任舊臣共圖治理茲者殿省
兩贊襄幾務卿以昔年虜禍攘亂匪細賴卿德望遂致安平
勞勩昭著特茲召還以仲朕報功倚旣至意卿具表奏上辭謝
以臣之老病臣之進尙當伏跡山林仰瞻聖主無疆之

壽慶皇家不拔之圖見卿忠切但頌稱大過朕憂不及專賴舊臣佐理宜強起視事疾速赴行在供職以副朕之倚畀以仰答先帝顧命之意不必再辭卿其承之

御旨

隆興元年二月壬戌朔羣臣朝于文德殿奉詔詔湯思退陳康伯張俊等累朝耆舊輔弼有年勲勞顯著特茲加秩且受先帝顧命之遺以輔朕方倚畀之重是日午時三刻開經筵入講畢賜宴賜金衣二襲玉帶一條寶鑑五千緡三臣叩頭拜謝訖命二卿提裁官以黃中周葵辛次膺等同知國史院纂修累朝聖

陳文正公文集

卷之三

政年系實錄陳康伯叩頭上言人之始生得姓必各有所自臣
欲進家譜附史院修編填謠未敢擅便請自聖裁伏候勅旨奉
旨陳康伯耆德元臣中外倚重受先帝顧命轉漙朕躬竭誠盡
忠功在社稷所進家譜令附史院黃中等修編以志厥始
孝宗勅賜對聯 三度錦衣歸故里 兩扶紅日上青天
孝宗賜御書旌忠顯德之碑